

# SARS E KWETSE LEKALA LA ALBERTON KA LEBAKA LA MOLLO

**Pretoria, Mantaha, 27 Motsheanong 2019** - Ditshebeletso tsa Lekgetho tsa Afrika Borwa (SARS) di kwetse lekala la Alberton ka lebaka la mollo o sentseng mokato wa pele kajeno, Mantaha wa la 27 Motsheanong 2019.

Batho ba ile ba kgona ho tswa moahong mme ha ho ditlaleho tsa temalo tse bileng teng.

Ka lebaka la sena, tshebetso lekaleng lena e emisitswe ho fihlela dibaka tse amehang di tsebahatswa hore di bolokehile hore di ka sebediswa. Yuniti e Tsamayang ya Lekgetho e tla fumaneha Khempaseng ya Alberton ho fana ka tse ding tsa ditshebeletso tsa lekgetho.

Bahwebi ba tsa Bolaodi ba Meedi ba eletswa ho ya phetha mabaka a bona a kgwebo mokatong wa pele mane Boemafofaneng ba OR Tambo, New Agents building, Kempton Park kapa SARS Customs Pretoria, (Local), hukung ya Francis Baard (Schoeman) le Lillian Ngoyi (Van der Walt Street), SARS Main Building, Pretoria. Diofisi tsena di tla fana ka ditshebeletso tse mabapi le Melao ya Motso (Rules of Origin), Ofisi ya Tjhelete (Cash Office) mmoho le tsa ho fumantshwa Laesense (Licencing) le Ngodiso (Registration).

Ditokomane tsa Bolaodi ba Meedi di ka boela tsa romelwa Khempaseng ya Alberton, kamohelong ya Phethahatso ya Molao mane St Austell Street, 15 McKinnon Crescent, New Redruth, Alberton. Tsena di akareditse dinyehelo tsa DA 63, DA 66, TDN le Acquittals.

Le ha ho le jwalo, bakeng sa dipotso tse mabapi le lekgetho balefalekgetho ba koptjwa ho etela makala a mang a haufi a kang a mane Soweto – Dube, Soweto- Orlando East, Rissik Street, Edenvale, Boksburg, Benoni le Roodepoort.

Ditshebeletso tsa Lekgetho tsa Afrika Borwa di kopa tshwarelo bakeng sa bothata bofe kapa bofe ka lebaka la sena mme di tiisetse balefalekgetho kaofela hore ditshebetso di tla kgutlela setwaeding kapele ka moo ho kgonehang ka teng.